



Universitätsbibliothek Paderborn

**Theses Theologicae De Certitudine Morali Quam habere
debet Confessarius de dispositione Poenitentis, ut eum
sepositâ justâ necessitate licite absolvat**

Huygens, Gommarus

Lovanii, [1685?]

Epilogus.

urn:nbn:de:bvb:12-bsb10951917-8

terum Solemne. Vesperas insuper & Completorium, unam Concionem manè & alteram post meridiem, quibus omnibus addebat: cur à paritate rationis Pastor S. Michaëlis non prætendit quod Philosophi ac Humanistæ æquè ac Cives debeat frequentare Parochiam. Certè ad horum excusationem non poterunt adferri rationes, quin illis prægnantiores adferri possint ad justificationem Theologorum, quas verisimiliter præ oculis habuerant Majores nostri ex Concilio Trid. reduces, & de illius mente optimè instructi, & tamen circa antiquam illam & laudabilem consuetudinem, ut Officia Divina in Collegiis peragerent nihil immutaverunt. Quod verò adjicit *FIDELIS RELATOR* dictos Theologos cogi ad matutinam & vespertinam Meditationem, usque adeò intento ejus non suffragatur, ut potius è contrario hinc pateat hujus Collegii Theologis non minus abundè suppetere exercitia quibus accendatur voluntas, quam alia quibus instruatur intellectus.

§. 4.

Ejus infidelitas etiam ostenditur circa illud quod refert de MAROLLIIS.

Restat ut expediamus illud negotium quod circa *Marollas* nobis facessit *FIDELIS RELATOR*. *Marolla* vulgo vocantur filiae quædam plerumque adeò pauperes, ut proprè non facile admittenda forent ad emittendum solemne votum paupertatis; quas nihilominus amor Crucis, desideriumque primitivos Christianos imitandi in unum congregavit. De his loquitur *FIDELIS RELATOR* dum conqueritur pag. 47. quod earum Confessionem annuam excipiam, absque eo quod vel ab ipso vel à moderno Pastore autoritatem ad hoc acceperim. Ad hæc respondeo mihi opus non esse Domini Pastoris autoritatem, ut prædictarum Filiarum annuas etiam Confessiones excipiam: Si quidem autoritatem illam accepi ab Amplissimo Domino Coriache Illustrissimi Domini Archiepiscopi Mechliniensis nuper Vicario Generali, & quidem ad aliorum exclusionem: Quod cum *FIDELI RELATOREM* minime lateat, mirum sanè est & *FIDELI RELATORE* prorsùs indignum, quod tam frivola objectione nos impetat. Ex his colligat unusquisque quam falsò & *infideliter* in omnibus factis nobis imponat *FIDELIS RELATOR*, qui licet vera narraret (quod tamen longissimè abest) potius super illis aut saltem plerisque illorum nos coram competenti Judice convenire debisset, quam impertinentes ejusmodi nugas in vulgus spargere.

E P I L O G U S

Exprimitur harum Thesum & Appendix occasio. & compendiosè referuntur que in illis dicta sunt.

Edideram anno 1674. librum, cui titulus *Methodus remittendi & retinendi peccata*, in quo alicubi significavi: in *Confessario*, ut sepositâ omni necessitate, Pœnitentem licet absolvat, requiri certitudinem Moralem de bona dispositione Pœnitentis. Hanc doctrinam à tribus hinc annis (id est postquam jam octo annis esset evulgata) multis invecti- vis publicè hæc Lovani traducere coepit Vir quidam primâ vice, qua incepit proficer Eloquentiam, an cum aliqua Eloquentia, nîl mea refert; ut etiam non, quid Virum istum tunc demum ad hæc impulerit, quandoquidem toties ante ut hæc diceret occasionem habuerit. Fuit enim Pastor, istius quidem genii, ut in Concionibus non facile omitteret quidquam eorum, qua Clero & populo significata volebat. Benè hæc rursus omnia, an malè, jam non examino.

Idem ille anno 1682, mirabili astutia circumvenit quosdam Collegii Pontificii Theologos, septem numero, quos interventu cuiusdam sui alumni in tempus postmeridianum invitatos, invitatore non comparente, ipsem recipit, &c. ut in talibus sit tractavit. Deinde quæstionem movit de sigillo Confessionis, atque insigni artificio Theologis istis persuasit ut doctrina, de qua quæstio instituta scriberetur, quo posset eam mihi proponere, ut ex me sciret, quid ego illa sentire, omnibus sanctissimè promittens sese scripto illo nunquam usursum veluti testi- monio

monio adversus me : prout revera nullo colore uti poterat , maxime non veluti testimonio septem testium , quia sex illorum protestati sunt se nihil scire de isto casu sive doctrina; unicus erat qui ad summum dubitabat ; nec mirum , cum doctrina illa debuisset fuisse tradita quatuor annis ante illud tempus. Nec unus ille quod scriptum erat signavit: nam solummodum dictaverat ne nimia casus sive doctrinæ prolixitas , quemadmodum Vir ante dictus aiebat , memor à excideret. Non enim fidebat memoriae suæ pro tempore tantillo , & tamen fidebat pro tot o tempore quatuor annorum memoriae unius Theologæ Studiosi in iis , de quibus ad summum dubitabat an audivisset tunc , quando erat Theologus quinque circiter mensum.

Occasione istius scripti spargebatur Lovanii : septem Collegii Pontificii Theologos testatos fuisse : quod ego doctrinam in illo scripto expressam tradiderim. Hinc ulterius per Belgum & verosimiliter etiam in Hispaniam defert rumor , quod Doctores quidam Lovanienses licet censeant ; ut Confessarius sine Pœnitentis consensu revelet ejus peccata.

His omnibus Vir ille necdum contentus à septimanis aliquot evulgavit libellum quem FIDEBLEM RELATIONEM vocare non veretur , in quo primum congerit investivas aliquot in doctrinam ante dictam de Certitudine Morali : deinde , ut non solum doctrinam meam sed etiam personam invadat , facta aliqua mihi imputat , & unum pœ reliquis toti mundo persuadere conatur ; nimis quod in antedicto stratagemate nihil fallaciter , sed omnia sincere egerit , quodque ego doctrinam , de qua quæstio fuerat , verè tradiderim.

Ut calumniam illam circa doctrinam de sigillo Confessionis in dubium revocare , non audeas , ipse & Sacerdos & Collegii Hoyii Praeses in dicto suo libello ponit sequentia : " Praeses Hoyii „ illos (septem Collegii Pontificii alumnos) ad se venire curavit animo sciendi veritatem ; & „ plures comparuerunt , & in præsentia sua prædictam doctrinam scripserunt , & declararunt „ esse sui Præsidii Pontificii , quos conatus fuit melius docere. Hæc verissima esse affirmat „ prædictus Praeses Collegii Hoyii , paratus juramento confirmare : item quod non dicat hæc „ animo calumniandi ."

Hæc sunt Thesum nostratum & Appendix occasio , ut nimis doctrinam nostram de certitudine Morali ab investiis & Censuris , & personam nostram à calumniis , præcipue de doctrina circa Sigillum Confessionis , liberemus. Nam Theses nostras in defensionem doctrinæ , Appendixem verò in defensionem personæ posuimus.

Etenim postquam 1. Thesum Conclusione posuimus valorem Sacramenti Pœnitentiae non pendere à Confessarii persuasione de dispositione Pœnitentis ; ostendimus Conclus. 2. ut Confessarius Pœnitentem licet absolvat extrà necessitatem non sufficere quodlibet dubium Confessarii de Pœnitentis dispositione , "cum alijs sine necessitate licet absolveret dubiè dispositos quoscumque , quos licet absolvit imminentे morte .

In 3. Concl. diximus : ut Confessarius sine necessitate licet absolvat Pœnitentes non sufficere quod ipsi sit minus probabile , aut æquè probabile esse dispositos ac indispositos , co quod impossibile sit ; ut confessarius tales judicet esse dispositos.

Per 4. Conclus. probavimus : quod Confessarius non semper possit de suo Pœnitente sine temeritate judicare eum probabiliter esse ad Absolutionem indispositum : hinc consestatum esse : Confessario posse esse plusquam probabile quod sit dispositus : ex hoc verò ulterius sequi ; ut Confessarius Pœnitentem , sepositâ omni necessitate , absolvat , non sufficere , ut Confessario sit probabilius quod Pœnitens sit dispositus : cum enim plusquam probabile sit magis rutum , quām probabilius (hoc enim est absolute incertum , illud verò aliquo modo certum) plusquam probabile , sepositâ necessitate , eligendum pœ probabiliō , juxta has regulas : In dubio via tutior est eligenda. Tene certum , dimitte incertum. Idem confirmatur ex periculo invalidæ Absolutionis imminentे quando absolvit probabiliū , adeoque dubiè tantum dispositum. Probatur item ex eo quod damnata sit hæc sententia " Non est illicitum in Sacra mentis conferendis sequi opinionem probabilem de valore Sacramenti , relictâ tutore nisi &c.

Ex 5. Concl. evidens est : ut Confessarius licet absolvat Pœnitentes non debere de illorum dispositione habere certitudinem Metaphysicam , Physicam , aut Moralem tantam , quanta haberi potest in historiis humanis , neque tantam ut est illa quæ haberi potest de propria dispositione.

In

In 6. Conclus. ostensum est : quod Confessarius possit & debeat habere aliquam speciem certitudinis moralis : potest enim Confessario esse plusquam probabile quod Pœnitens suus sit recte dispositus : istud etiam, seposita necessitate, oportet sive debet esse : sed plusquam probabile, est certum aliqua specie Certitudinis Moralis : Ergo &c.

Ex 7. Concl. patet : quod non possimus prudenter aliquid judicare verum, nisi istud sit nobis plusquam probabile : cum omne probabile adeoque etiam probabilius noscatur sibi habere coniunctum morale periculum falsi : adeoque imprudenter judicari istud esse verum : imprudentius vero, præcipue in rebus magnis, agi secundum id quod solum est probabilitas licitum ; ubi nimis oppositum certe licet, Hinc judicium prudens debere esse moraliter certum, adeoque male nos culpari ab illis, qui in locum Moralis Certitudinis in hac materia substituunt Judicium prudens. Quod vero Concil. & Patres vigentibus Canonibus pœnitentialibus, non tam saepè, ac nos hodie, locuti fuerint de Certitudine Morali mirum non esse, cum ritè expletâ pœnitentiâ Canonum, sat certò constaret de Pœnitentis dispositione.

Concl. 8. probavimus : quod Confessarius dum adest justa necessitas, licite absolvat Pœnitentes dubiè dispositos : justam vero necessitatem tum esse, quando inter signa pœnitentiae & ipsam necessitatem est quædam proportio ; ita ut in dubiè dispositis quantò minor est absolvendi necessitas, tantò majora pœnitentiae signa requirantur ; & quod necessitas est major, eo minora pœnitentiae signa sufficiant : eamque necessitatem posse locum habere imprimis ex parte ipsius Pœnitentis, deinde quandoque ex parte Confessarii, & nonnumquam ex parte Loci & Temporis : sed cavendum esse ne ista necessitas nimium extendatur.

Concl. 9. Exhibuimus, quæ illust. D. Internuntius voce & scripto de Authore Methodi testari dignatus est.

Ex Appendice denique patet, quod Adversarius noster circà facta, quæ mihi adscribit & potissimum circà illud, quo toti mundo persuadere conatur, me tradidisse doctrinam de Sigillo, Conclusione primâ Appendix expressam, patet, inquam, inde Adversarium nil minus meritum esse quam titulum FIDELIS RELATORIS : nec minori falsitate libellum ejus vocari FIDELEM RELATIONEM, quam sit falsitas illa, quâ mihi adscribit doctrinam antedictam de Sigillo Confessionis, & alia quædam quæ in libello isto facta commemorat. Jam tum concluderem, nisi justa indignatio cogeret rursus detestari horrenda illa RELATORIS FIDELIS verba "Præses Hovii illos (Collegii Pontificii Theologos) ad se venire curavit animo, sciendi veritatem, & plures comparuerunt & in præsencia sua prædictam doctrinam scripserunt & declaraverunt esse sui Præsidis Pontificii, quos conatus fuit melius docere. Hæc, verissima esse affirmat prædictus Præses Collegii Hovii, paratus juramento confirmare : item quod non dicat hæc animo calumniandi."

Hæc accepta prout debent, & prout sonant, dico ego falsissima esse & nullatenus posse sine perjurio, juramento confirmari : quandoquidem ex testimonio Theologorum ante allegato confit : quod ab unico solum dubitante & quidem reliquis sex nihil prorsus de casu scientibus, ille fuerit dictatus, à nullo subscriptus, omnibus inter hæc protestantibus, quod istud testari non vellent. Præterea cur RELATOR FIDELIS si tale testimonium habeat istud non producit in suo libello, potius quam illa testimonia quibus ipsem in suum favorem testatur, ut fucum faciat, corrodat. Denique si tale testimonium revera habeat, saltem jam illud proferat, nec opus erit, ut perget alia querere, aut ut perget pro testimonio contraria acquirendo, me nunc ad Facultatem, nunc ad N. D. B. libelli sui Approbatorem, nunc ad Theologos per ambages & fallacias mittere, & circumducere.

P E R T I N E N S.

PArabolicum illud, Diabolus non solet apparere in corpore humano, nisi ex pede brutalis, caudâ, vel cornibus deceptio notari possit, significat : quod calumnia solent habere notae ex quibus falsitas illarum possit deprehendi.

F I N I S.

14